



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

4. Desiderantes statum &c. Fratres Hospitalis B. Mariæ de Caritate in
Diœcesi Catalauniensi sub ordine & regula Sancti Augustini constituit:
anno 1347.

[urn:nbn:de:hbz:466:1-74452](#)

ANNO
1345.

debant litterarum compositores prædictarum, ponendo dictam diffidationem in eis, quod nos, qui pacem evangelizare cupimus & debemus, & specialiter ad pacem prædictam cordialiter afficimur, ut præfertur, guerrarum & difensio-
num existeremus Nuncii & Præcones, quorum in hac parte cogitatus, si talis forsitan fuerit, temerarius extitit, procul dubio præsumptuosus, damnabilis & inanis. O Fili prædilectissime! utinam intrâ præcordia Regia revoltes diligenter, quanta tuæ salutis merita, quantæque laudis præconium, & honoris cumulum acquireres, & celebris memoriae gloria in tuo nomine poneres, si reformata cum eodem Rege pace rationabili, ad quam purâ, justâ, & rectâ intentione dirigebamus, & dirigimus felicitudinis nostræ studia, ut præfertur, ad prosequendum Dei negotium, ad quod te Creator omnium aptum fecit, & nos attentis universis circumstantiis, ut saepe diximus, non indignè, reputamus valde idoneum, te, inclite memorie, Progenitorum tuorum Regum Anglia clara sequendo vestigia, disponeres cum effectu, ut exerceres adversus hostes Fidei Catholice vires tuas. Porro acerbitate mentis & dolore cordis affligimur, quod aliqui, qui forsitan sua magis querunt venari lucra propria, quam intendere tuis honoribus & saluti, te deviasse videntur ab hujusmodi proposito, & ad illa, quæ Deo displicent, tuisque commodis, honoribus, & saluti non convenienti, proh dolor! induxisse. Quantum autem acceptum sit Deo negotium defensionis & dilatationis Fidei Orthodoxæ, ceptum in Transmarinis partibus contra Turchios, clares ex stupendis miraculis, quæ Divinæ pietatis clementia, in diversis partibus, pro dicto negotio, sicut ad nos fide digna tam verbalis quam litteralis relatio pertulit, operatur. Habet, nempe, ipsa relatio, quod Cruces fulgentes in plerisque apparuerunt partibus, ad quas concurrentes Fideles multa sanitatis beneficia, illi videbile, qui gravabantur infirmitatibus, reportarunt. Ex quibus intelligentes multi Nobiles & Potentes, se per hoc ad vindicandas crucifixi Redemptoris injurias invitari, multitudine eorum innumerabilis, & specialiter de partibus Italæ, nonnullis ex eis, videlicet, commissa patricidia, fratricidia, & alia delicta gravia, pro reverentia Redemptoris, in diversis locis, sibi adiuvicem remittentibus, pacemque reformatibus, ad partes Ultramarinas contra Turcos prædictos cum armorum potentia se accinxerunt haetenus & accingunt. Nec, quod ulterius eadem relatio ad nos lætanter perduxit, prætermittendum credimus vel silendum, quod post felicem transitum, bonæ memoriae Henrici Patriarchæ Constantinopolitanæ, Apostolica Sedis Legati, occisi ab infidelibus, supra turrem civitatis Smirnenæ, quam, dum viveret, inhabitabat Patriarcha prædictus, & quæ turris Patriarchæ vulgariter dicitur, lux magna visa est plures, ad prosecutionem operis Dei strenuam corda fidelium excitans & inflammans. Agere namque bella talia decet Principes Catholicos & devotos, non ad effundendum Redemptorum pretioso cruento Dominico sanguinem inhiare. Rogamus itaque Celsitudinem tuam Regiam, & in Domino attenti exhortamur, tibi nihilominus, sub virtute juramenti præstiti super eisdem Treugis, injungentes, quatenus civitatem prædiciam Venetensem in manibus Nunciorum nostrorum prædictorum nomine nostro regendam, in statu quo erat tempore occupationis & dejectionis illorum, qui eam nomine, ut præ-

fetur, regebant, tandem reduci facias tenetam pro toto tempore Treugarum ipsarum, & regendam modo & forma expressis in Treugis supradictis. Et nihilominus ad observationem Treugarum earundem, omnis hostilibus & bellicis aggressionibus & insultibus, redreas, easque pro toto tempore ipsarum, videlicet, usque ad instans festum Beati Michaelis & abinde usque ad annum continuum, pro parte tua observes inviolabiliter, & facias observari; cum per eundem Regem idem velimus fieri, & inde sibi scribamus per litteras opportunas. Pro certo scitur, Fili præcarissime, quod negligere nequibimus, quod minus, attensis Treugarum ipsarum utilitatibus, & tam juramenti, quam aliis firmatibus, quibus corroboræ fore noscuntur, contra fractores & violatores earum, prout rationis fuerit, & ad nostrum pertinebit officium, procedamus. Postremo precibus & exhortationibus eisdem affectu paterno addicimus tuam Excellentiam, per Dei misericordiam obsecrantes, ut ad dictæ pacis Tractatum redreas, & pia mentis affectione intendas, tuos idoneos Nuncios, plena potestate suffulcos, pacisque prædictæ voluntarios, ac ipsius zelatores fideles & servidos, ad nostram præsentiam propterea destinando; quia pro certo, sicut saepe diximus, Nos cum rectâ intentione solum Deum habendo pro oculis, modos & vias, ad laudem Dei, commodum negotii Fidei, ac utriusque partis honorem & utilitatem, non dirigendo, quoad hoc, affectum nostrum ad unam partem plus quam ad aliam, sed librando dumtaxat stateram veritatis & justitiae, perquirere, tractare, ac prosequi studebimus, quantum cum Deo expedire videbimus, aliis postpositis negotiis & laboribus non vitatis; & super his dicto Regi scribere intendimus, ipsumque, pacis faciente auctore, reperire cupimus super his benevolum & benignum. Sic te, Fili carissime, super præmissis & eorum singulis, quæsumus, persuasus quod Deum tibi constitutas proprium, & affectua pacis dulcedine Redemptoris ejusdem obsequis intendere valeas, sicut te votivè appetere audivimus, & nos etiam affectamus; exinde coronam regni perpetui, præter laudis humanæ præconium, feliciter percepturus. Rursus, Fili amantissime, quia tuæ voluntatis propositum, utinam favorable & benignum, scire super his affectamus, quæsumus, ut de illo nos certiores efficere quanticus non postponas.

Datum Avinioni duodecimo Calendas Augusti, Pontificatus nostri anno quarto.

A. de Lauac.

Frates Hospitalis B. Mariæ de Caritate in Diœcesi Catalaunensi sub ordine & regula Sancti Augustini constituit: anno 1347.

ANNO
1345.

IV.
Ex Martene Anecl.
Tom. I.
col. 1392.

CLEMENS EPISCOPUS,

Servus Servorum Dei, Venerabili Fratri Episcopo Catalaunensi Salutem, & Apostolicam benedictionem.

Desiderantes statum Hospitalium, & aliorum piorum locorum quorumlibet regi

ANNO
1347.

salubriter & augeri, ad illa libenter intendimus, per quae corundem Hospitalium & locorum Ministri pauperum, & infirmorum, Hospitalium, & locorum corundem curam liberius gerere valeant, & alias loca ipsa spiritualiter, & temporaliter, auctore Domino, suscipiant incrementa.

Sane dilectorum filiorum Magistri, & Fratrum Hospitalis super Fluvium *De Roignon*, quod Caritas Beatae Mariae vulgariter nuncupatur, ad Romanam Ecclesiam nullo medio pertinens, tue Catalaunensis Dieceesis, ac de vico Jardinorum Parisiensium, & Beati Ludovici Silvanetensis, ceterorum Hospitalium & Hospitalis ejusdem dicti *Caritas* membrorum petitio nobis exhibita continebat, quod quondam Guido de Janilla miles, Dominus de Domno Georgio dictae Dieceesis praedictum Hospitalis dictum *Caritas* ad opus infirmorum & pauperum in fundo proprio ejus sumptibus construxit, etiam & dotavit, quoque felicis recordationis *BONIFACIUS Papa VIII.* Prædecessor noster prædictum Hospitalis dictum *Caritas*, cum omnibus membris, bonis, iuribus, possessionibus, pertinentiis, & personis eorum, tam tunc præsentibus, quam futuris ab omni potestate, lege, iurisdictione ordinaria ex tunc perpetuis futuris temporibus auctoritate Apostolica proflatus exemit, & totaliter liberavit, ac liberum omnino esse voluit & exemptum: ita quod Romanæ dumtaxat Ecclesiæ subiectum existeret, quoque Sacerdos in eodem Hospitali poneretur, & constitueretur in ipso, qui animarum curam personarum in illo degentium & spiritualium sollicitudinem & potestatem in eodem haberet, quoque Hospitalis praefatum, & quolibet membrum ejus oratorium obtinens, cœmiterium habere valeret, ad sepeliendum personas eorum, & familiarium ipsorum, ac etiam advenarum inibi decentium; nec non praedictum Guidonem & heredes suos, & alios quolibet, qui sepulturam in illis ducerent eligendam. Volut autem idem Prædecessor, quod in recognitionis subjectionis hujusmodi signum praefatum Hospitalis duas libras ceræ teneretur Camera Sedis Apostolicæ annis singulis exhibere; & quod deinde praedictus Miles dictum Hospitalis cum omnibus membris & pertinentiis suis eisdem Magistro & Fratribus viventibus sub regula tertii Ordinis Beati Francisci tradidit ad regendum, ac etiam donavit: qui Frates regentes praedictum Hospitalis & ejus membra tunc ordinarunt inter se, ad requisitionem Fundatarii praediti, quinquaginta annis jam elapsi, quod ipsi & eorum successores in praedicto Hospitali dicto *Caritas* & membris universis ejusdem existentes, votum castitatis, paupertatis, & obedientiae facerent, & scapularia portarent, Magistrum Generalem & Visitatorem eligerent, & in communi vita, prout ali Religiosi non mendicantes viventer, Capitulum generale facerent: correctiones, puniciones, & amendas taxarent per consilium proborum Religiosorum, scilicet Praedicatorum, & Minorum Ordinum Fratrum, qui semel in anno ad sua Capitula generalia consueverunt convocari. Et sic talem vivendi ritum tenuerunt auctoritate propria, & absque Sedis Apostolicæ licentia, non intendentem novam Sectam inducere, aut novitatem praesumere, sed solum ut decentius & firmius possent Deo debite famulari, & obligabilius & diligentius pauperibus deservire. Quare praedicti Magister & Fratres nobis humiliter sup-

plicaverunt, ut cum ipsi invenerint secundum opinionem quorumdam, pluribus tamen contrarium afferentibus, eis per constitutionem felicis recordationis Johannis Papæ XXII. Prædecessoris nostri, quæ incipit: Sancta Romana & universalis Ecclesia; non licere talem vivendi ritum tenere, eorum Statui providere de benignitate Apostolica dignaremur. Nos igitur volentes eisdem Magistro & Fratribus de illo remedio providere, per quod Deo in infirmis & pauperibus Hospitalis dicti *Caritas* & membrorum praedictorum possent gratum Domino reddere famulatum, eorum supplicatiibus inclinati, Fraternitati tuae per Apostolica Scripta committimus, & mandamus, quatenus præfatis Magistro & Fratribus, præmisso vivendi ritu ab eis omnino dimisso, regulam Beati Augustini, secundum quam eos & successores eorum perpetuo vivere volumus, & quam ipsi profiteri tenentur, nec non honestum habitum quem gestent, auctoritate nostra exhibeas & assinges. Volumus insuper, quod loca quæ obtinent cum Ecclesiis, oratoriis, & cœmiteriis eorumdem, retineant sicut prius, exemptionibus hujusmodi, aliquæ privilegiis eidem Magistro & Fratribus à Prædecessoribus nostris Romanis Pontificibus concessis in sua firmitate manentibus, & præmissis, & aliis constitutis Apostolicis contrariis non obstantibus quibuscumque.

Datum Avenioni VI. Calendas Augosti, Pontificatus nostri anno V.

Confirmatio Privilegii Urbani IV. Universitati Patavinæ de Cancellariatu Academæ Episcopo concessi: anno 1347.

CLEMENTS EPISCOPUS,

Servus Servorum Dei, ad perpetuam rei memoriam.

Attendentes providè, quod ex litterarum scientia, veluti ex dono caelesti spiritualiter & temporaliter bona publica proveniunt, & privata quoque ab ipsis Professoribus præsertim in studiis Generalibus fidelis instruitur populus, & reducitur exorbitans ad semitam veritatis, libenter ea concedimus, quæ Doctorum & Magistrorum ac Scholarium in studiis Generalibus insitentium commoditatem respiciunt, & per quæ Scientiarum fructus valeat adaugeri. Sane petitio Venerabilis Fratris nostri Ildobrandini Episcopi Paduani nobis exhibita nuper continebat, quod in civitate Paduae de consuetudine ibidem inviolabiliter observata tanto abhinc tempore, ut de ejus contrario memoria non extet, viguit & adhuc viget in Jure Canonico & Civili absque Facultatibus præter Sacram Theologiam studium Generale, sicuti per totam Italiam & in aliis mundi partibus est aperte manifestum. Et quod authoritas faciendi Doctores & Magistros in eodem Studio residentes in Jure ac Facultatibus supradictis, examinandi Scholaris ad Doctoratum seu Magisterium promovendos in studio supradicto, & examinatos approbandi, seu etiam reprobandi similiter, & de antiqua consuetudine obtenta in eodem Studio ad Episcopum Paduanum, qui est pro tempore, pertinet, & pertinere etiam consuevit: & quod præfatus Ildobrandinus Episcopus nonnul-

ANNO
1347.

V.
Ex Hist.
Universi.
Parisiens.
Bulæ
Tom 4.
p. 297.